

列傳

金

劉璣字仲璋益都人登天德三年進士第大定初爲太常博士改左拾遺兼許王府文學累除同知漕運司事嘗奏言漕戶顧直太高虛費官物宜約量裁損若減三之一歲可省官錢一十五萬餘貫世宗是其言授戶部員外郎條上便宜數事世宗謂宰臣曰璣言河隄種柳可省每歲隄防之費及言官錢利害甚可取前後戶部官往往偷延歲月如璣者不可多得卿等議其可者行之璣向言漕運省費事盡心公家不厚賞無以勸來者乃賜錢三千貫擢濰州刺史徙知濟州未

益都縣圖志

卷三十四

列傳

一

幾遷同知北京留守事坐曲法放免奴婢訴良者左降管州刺史明昌二年入爲國子司業乞致仕不許轉國子祭酒尋擢太常卿以昏耄不任職爲御史臺所糾罷承安二年卒年八十二兄琬字伯玉幼名太平以功臣子補閣門祇候遭父喪求終制會海陵篡立不許改充護衛海陵忌宗室琬坐與往來斥居鄉里世宗卽位琬晝夜兼馳上謁世宗大悅以爲護衛十人長往招宗敘白彥敬紇石烈志甯皆相繼來附還報上喜其有功呼其小字而謂之曰太平所至庶幾能贊朕至太平矣改御院通進與烏居仁等往南京發遣六宮百司琬建議留尙書右丞紇石烈良弼經略淮右餘皆北來詔從之丁母憂起復三遷武庫署令車駕幸西京留琬爲中都總

管判官再轉近侍局使遷太子少詹事兼引進使賜襲衣未
幾爲陝西統軍都監賜殿馬金帶皇太子以馬與幣爲贐召
爲同知宣徽院事遷太子詹事右宣徽使與張僅言典領昭
德皇后園陵襄事太子贈以殿馬轉左宣徽使以疾求補外
除定海軍節度使以其弟太府監璋爲同知宣徽院事琬朝
辭上曰卿舊臣今補外甯不惻然東萊瀕海風物亦佳卿到
必得調養朕用卿弟在近密如見卿也仍賜殿馬金帶綵十
端絹百匹卒官年五十七樞過京畿敕有司致祭賻銀三百
兩重綵三十端

金史本傳

李英字子賢其先遼陽人徙益都中明昌五年進士第調濱
化主簿登州軍事判官封邱令丁父憂服除調通遠令蕃部
益都縣圖志

卷三十四

列傳

二

取民物不與直攝之不時至卽掩捕之論如法補尙書省令
史大安三年集三品以上官議兵事英上疏曰軍旅必練習
者朮虎高琪烏古孫兀屯納蘭爪頭抹然盡忠先朝嘗任使
可與商略餘者紛紛恐誤大計又曰比來增築城郭修完樓
櫓事勢可知山東河北不大其聲援則京師爲孤城矣不報
除吏部主事貞祐初攝左司都事遷監察御史右副元帥朮
虎高琪辟爲經歷官乃上書高琪曰中都之有居庸猶秦之
崤函蜀之劍門也邇者徹居庸兵我勢遂去今土豪守之朝
廷當遣官節制失此不圖忠義之士將轉爲他矣又曰可鎮
撫宣德德興餘民使之從戎所在自有宿藏足以取給是國
家不費斗糧尺帛坐收所失之關隘也居庸咫尺都之北門

而不能衛護英實恥之高琪奏其書卽除尙書工部員外郎充宣差都提控居庸等關隘悉隸焉二年正月乘夜與壯士李雄郭仲元郭興祖等四百九十人出城緣西山進至佛巖寺令李雄等下山招募軍民旬日得萬餘人擇衆所推服者領之詭稱土豪時時出戰被創召還遷翰林待制因獻十策其大槩謂居中士以鎮四方委親賢以收中都立藩屏以固關隘集人力以防不虞養馬力以助軍威愛禾稼以結民心明賞罰以勸百官選守令以復郡縣并州縣以省民力頗施行之宣宗南遷與左諫議大夫巴胡魯俱爲御前經歷官詔曰扈從軍馬朕自總之事有利害可因近侍局以聞宣宗次眞定以英爲國子祭酒充宣差提控隴右邊事無何召爲御

史中丞英言兵興以來百務皆弛其要在於激濁揚清獎進人才耳近年改定四善二十七最之法徒爲虛文大定間數遣使者分道考察廉能當時號爲得人願改前日徒設之文遵大定已試之效庶幾人人自勵爲國家用矣宣宗嘉納之自兵興以來亟用官爵爲賞程陳僧敗官軍於龔谷遣僞統制董九招西關堡都統王狗兒狗兒立殺之詔除通遠軍節度使加榮祿大夫賜姓完顏氏英言名器不可以假人上恩以難得爲貴比來醜於用賞實駭聞聽帑藏不足惟恃爵命今又輕之何以使人伏見蘭州西關堡守將王狗兒向以微勞旣蒙甄錄頃者堅守關城誘殺賊使論其忠節誠有可嘉若官之五品命以一州亦無負矣急於勸獎遂擢節鉞加階

二品賜以國姓若取蘭州又將何以待之陝西名將項背相望曹記僧包長壽東永昌徒單醜兒郭祿大皆其著者狗兒藐然賤卒一朝處衆人之右爲統領之官恐衆望不厭難得其死力宣宗以英奏示宰臣宰臣奏狗兒奮發如此賞以異恩殆不爲過上然其言中都久圍丞相承暉遣人以礮寫奏告急詔元帥右監軍永錫左都監烏古論慶壽將兵英收河間清滄義軍自清州督糧運救中都英至大名得兵數萬馭衆素無紀律貞祐三年三月十六日英被酒與元兵遇於霸州北大敗盡失所運糧英死士卒殲焉慶壽永錫軍聞之皆潰歸五月中都不守宣宗猶加恩贈通奉大夫諡剛貞官護葬事錄用其子云

金史本傳 元史石抹明安傳曰金御史中丞李英援中都帝遣石副元帥神撒將

益都縣圖志

卷三十四

外傳

四

四百騎迎戰明安將五百騎繼之遇于永清將戰命士卒佯敗金兵來追回擊大破之死及溺水者甚衆獲李英及所佩

符虎元

張禧東安州人父仁義金末徙家益都及太宗下山東仁義乃走信安時燕薊已下獨信安猶爲金守其主將知仁義勇而有謀用之左右國兵圍信安仁義率敢死士三百開門出戰圍解以功署軍馬總管守信安踰十年度不能支乃與主將舉城內附率其部曲從宗王合平定河南授管軍元帥後攻歸德飛矢入口折其二齒鏃出項後卒賜爵縣候禧年十六從大將阿朮魯南攻徐州歸德復從元帥察罕攻壽春安豐廬滁黃泗諸州皆有功禧素峭直爲主將所忌誣以他

罪欲寘之法時王鶚侍世祖於潛邸禧密往依之鶚請左丞
闕闕薦禧與其子宏綱俱入見歲己未從世祖南伐濟江與
宋兵始接戰卽禽其一將進攻鶚州諸軍穴城以入宋樹柵
爲夾城於內入戰者輒不利乃命以厚賞募敢死士禧與子
宏綱俱應募由城東南入戰將至城下帝憫其父子俱入險
地遣阿里海牙諭禧父子止一人進戰禧所執槍中弩矢而
折取宏綱槍以入破城東南角有逗留不進者十餘人立城
下宏綱復奪其槍入轉戰良久禧身中十八矢一矢鏃貫腹
悶絕復甦曰得血竭飲之血出可生世祖亟命取血竭遣人
往療之創旣愈復從大將納剌忽與宋兵戰于金口李家洲
皆捷世祖卽位賜金符授新軍千戶三年從征李璫時宋乘

璫叛遣夏貴襲取蘄縣宿州等城禧移兵攻之貴走盡復諸
城至元元年升唐鄧等州盧氏保甲丁壯軍總管宋侵均州
總管李玉山敗走帝命禧代之三年與宋將呂文煥戰於高
頭赤山乘勝復均州四年改水軍總管益其軍二千五百令
習水戰五年從攻襄樊六年七月夏貴率兵援襄陽禧從元
帥阿朮戰却之八年江水暴溢宋遣范文虎以戰艦千餘艘
來援元帥阿朮命禧率輕舟夜銜枚入其陣中插葦以識水
之深淺及還阿朮卽命禧率四翼水軍進戰宋兵潰追至淺
水奪戰艦七十餘艘九年攻樊城焚其串樓敗宋將張貴于
鹿門山十年行省集諸將問破襄陽之策禧言襄樊夾漢江
而城敵人橫鐵索置木橛于水中今斷鎖毀橛以絕其援則

樊城必下樊城下則襄陽可圖矣行省用其計乃破樊城而襄陽繼降帝遣使錄諸將功授宣武將軍水軍萬戶佩金虎符丞相伯顏因命禧爲水軍先鋒十二年敗宋將孫虎臣於丁家洲尋移屯黃池以斷宋救兵九月從阿朮與宋都統姜才戰有功加信武將軍十三年從下溫台福建十四年加懷遠大將軍江陰路達魯花赤水軍萬戶十六年入朝進昭勇大將軍招討使十七年加鎮國上將軍都元帥時朝廷議征日本禧請行卽日拜行中書省平章政事與右丞范文虎左丞李庭同率舟師泛海東征至日本禧卽捨舟築壘平湖島約束戰艦各相去五十步止泊以避風濤觸擊八月颶風大作文虎庭戰艦悉壞禧所部獨完文虎等議還禧曰士卒溺

益都縣圖志

卷三十四

外傳

六

死者半其脫死者皆壯士也曷若乘其無回顧心因糧於敵以進戰文虎等不從曰還朝問罪我輩當之公不與也禧乃分船與之時平湖島屯兵四千乏舟禧曰我安忍棄之遂悉棄舟中所有馬七十匹以濟其還至京師文虎等皆獲罪禧獨免宏綱字憲臣年十八父禧爲主將所誣繫獄將殺之宏綱直入獄中獄卒併繫之宏綱佯狂謔笑守者易之旣寢遂與其父逸去後從其父攻城徇地屢有功自昭信校尉管軍總把佩銀符換金符爲千戶升總管廣威將軍招討副使加定遠大將軍招討使襲鎮江陰盜起安吉宏綱率兵往捕未踰旬禽之從參政高興破建德溪寨諸賊後賜三珠虎符授昭勇大將軍河南諸翼征行萬戶從右丞劉深征八百媳婦

國師次八番與叛蠻宋隆濟等力戰而歿贈宣忠秉義功臣
資善大夫湖廣等處行中書省左丞上護軍追封齊郡公諡
武宣子漢當襲職讓其弟鼎漢後爲監察御史累官至集賢
直學士鼎襲江陰水軍萬戶元史本傳 舊志收禧及宏綱
於忠義傳新府志謂仁義既走
信安其回益都否史無明文禧及宏綱皆刪而不錄案本傳
云仁義乃走信安不云又徙家于信安則本無大去之事卽
不必有仍回之文若仁義果徙信安其於益都並無事蹟可
紀史家經略之可矣何瑣屑至此耶且仁義由東安徙益都
當因北方皆非金有故耳若燕薊皆下而顧挈家深入敵境
揆之情事亦不應爾況既非齊人宏綱何又封齊郡公乎新
府志之說恐爲未允惟舊志既列禧父子於人物而又以仁
義爲僑寓未免進退失據今並次於此

董進其先卽墨人曾祖在金時嘗爲鎮防軍將戊午山建北
磯城瀕海賴之以安進幼孤依祖母陳爲活貞祐二年金主
遷汴山東歲荒盜賊並起陳負進避亂至益都後遂定居焉

益都縣圖志

卷三十四

列傳

七

進時年十五李全見而異之收爲親兵每有攻戰輒當前鋒
全死揚州進與其衆推全妻楊氏主軍務明年楊氏入覲得
紹夫職假進爲軍帥及楊氏敗進亦解兵柄改署高密尹時
比歲饑旱民多流亡治事三年閭里富庶甯海登萊左皆瀕
海廣袤千里中有逸馬散處蒲蘆間常出踐田禾人莫能制
進白於行省撒吉思拘括之其患以息段松苓曰元史撒吉
思傳爲山東行省兼
益都達魯花赤賜益都田千頃及瓊馬羣然則海濱之
馬非無主名特瓊敗後進白於撒吉思而拘括之耳 授金

符除知膠州視事從宜詢其利病仁撫鰥惸威制豪橫民用
小康至元十年以疾歸尋卒年七十四子堅成信仁春均墀
堅以將家子爲上百戶累遷宣武將軍襄陽之役生禽宋將
張貴于鬼門關都帥劉整分攻樊城南面堅以長索牽鋸斷

木爲雲梯登其陴一鼓而下旋渡舟師於楊邏堡太傅伯顏丞相阿朮督軍徑進繞出敵右堅逆戰於中流大軍畢濟遂破賈似道於丁家洲以功授鎮守高郵甯國萬戶府萬戶兼鎮南王府守衛萬戶府萬戶仁均墀皆早卒

以許時獻撰神道碑修

兀林答禧其先女真大族父兀林答阿魯兀刺仕金爲驃騎衛上將軍陳州防禦使守邳州太宗壬辰查刺温火兒赤軍攻圍之三月固守不下查刺温臨城諭之乃降隨軍收復河南累功授金吾衛上將軍右副元帥改濰州防禦使遂遷居益都附錄事司籍焉僖幼好學穎異秀發戊戌以三科中選及第庚子皇大弟國王令旨

案卽劉國傑傳之幹臣元史作幹赤斤所謂皇太弟國王幹噲

那顏者也於益都路取秀才三名賜行省選差赴北充塔察國王

益都縣圖志

卷三十四

列傳

八

位下

案元史宗室世系表塔察兒國王乃幹赤斤之孫

爲頭必閣赤僖練習府事一

切翰墨語言無所不統同列皆出其下世祖中統二年充益都路行省大都督撒吉思伴當管領權省事兼濰州防禦使事皆不勞而辨恤貧振乏撫惇給孤寒峻窮甿尤加周濟詔賜金牌獎焉四年卒年四十六子徽徽徽皆早卒徽承襲金牌防禦使改知滕州又襲父任必閣赤至元十四年自願隨僉院劉國傑北征授武略將軍管軍千戶還授武德將軍十五年又隨丞相伯顏率侍衛軍一萬北征有功引見香閣賜宴又拜銀帛牙笏牙梳銀匙筋翠花之賜十八年超拜管軍總管二十年往督捕福建寇黃華二十四年南征交趾還復授金牌宣武將軍充管軍上千戶以潁州萬戶府鎮杭

州生子希靖有文名

以方回撰神道碑修

李傑字國才至元二年召為吏部尚書設選法立貼黃行止

等二十四科卒贈嘉議大夫上卿車騎都尉隴西侯諡宣靖

舊志

劉國傑字國寶本女真人也姓烏古倫後入中州改姓劉氏

父德甯為宗王幹臣必閣赤授管領益都軍民公事

閻復撰劉氏先

塋碑曰劉氏之先系出女真望族本姓烏古倫氏逮至國朝始改今姓祖仕金季襲世爵為千戶父諱德甯國初侍宗王幹成以掾屬從軍久之益見親用王既畫境青齊得承制封拜以其才堪治郡遂命副蒙古官合刺溫管領益都路軍民公事因而家焉春秋五十八卒子男四人長曰國秀次曰國才今居遼東次曰國華嘗任山東淮南行省理問官次日國傑國傑貌魁雄善騎射膽力過人少從軍漣海以材武為隊長至元六年選其兵取襄陽以益都新軍千戶從張宏範戍

益都縣圖志

卷三十四

列傳

九

萬山堡宋兵窺伺眾出取薪大出兵來攻堡國傑等以數百

人敗之斬首四千餘級由是有名

先塋碑曰至元六年王師有事於宋以材勇應選為

管軍千戶襄楚之役分屯萬山堡宋人伺我軍渡江樵採發兵萬五千人欲擣其虛堡中兵可戰者不滿數百陣既成列公首出應敵眾因乘之宋人敗走斬從略荆南抵歸峽轉戰首四千餘級主帥嘉其功賞銀百兩從略荆南抵歸峽轉戰數千里

先塋碑曰俄奉軍前行中書省檄攝萬戶提兵二千從攻樊城破外城火礮傷股裏創復戰平其外城授武略將

軍佩金符

先塋碑曰樊城外藩曰東土城主帥命公取之豎

城奏功于朝特降璽書金符加武略將軍從破張貴兵櫃門關戰甚力再攻樊城

被傷數處血戰竟破之襄陽降世祖聞其勇召見遷武德將

軍管軍總管賜銀百兩錦衣弓矢以寵之

先塋碑曰襄陽被圍既久城中乏食

宋人有矮張都統者潛師運糧以入省檄命公以八十艘邀其歸路宋人製為輪船數百結棧相連狀若城堡舟師運糧其中一夕順流而走公先獲間者偵知出期中流逆擊之舉火聲震我軍繼至鏖戰三十餘里舟中之血沒踝生獲矮張都統襄樊城夾漢水宋人置橋檠水中以成輔車之勢公馭戈船逆流而上斷拔楛檠與宋人戰盡毀樊城南面木柵埋其濠塹進攻外城城上矢石如雨會日暮我軍引退詰旦復選銳卒坎墉以登拔之未幾樊城亦下是役也公身被數創尋奉詔旨入朝賞銀百兩及內府錦衣從伯顏南征十一年弓矢鞍轡再加武德將軍管軍總管

次郢州宋兵扼漢水不得下伯顏謀取黃家灣堡以入漢國

傑先登拔之加武節將軍先瑩碑曰渡江之役大軍次郢宋人築黃園城堡以絕要津省檄付

公三百人徑往奪其城堡大軍既進郢將趙都統率騎兵襲其後公還擊走之斬首七百餘級行省上其功詔賜金虎符

加武節從破沙洋新城先瑩碑曰繼取沙洋新城二堡皆宋將軍

十艘退其守兵進攻城堡凡三晝也師次洋洛渡公先以五夜乃拔以功賞銀二百五十兩敗孫虎臣於丁家洲戰甚

力進萬戶先瑩碑曰次丁家洲宋將孫虎臣萬艘橫江以禦我師公時以選鋒當前大軍既合敵衆潰亂追奔

益都縣圖志 卷三十四 列傳 十

逐北直抵蕪湖以功超授管軍萬戶復從阿朮取淮南別軍是後略地江南累功賞銀至千兩

揚子橋扼宋兵道宋以萬衆夜奪堡擊走之擒其都統張林

先瑩碑曰淮揚之役詔公以五千人立場子橋堡以扼宋兵往來宋將張都統率數萬人暮夜來寇我師嚴備宋人既失

利遲明開門縱兵追擊彼衆大敗自相蹂躪溝港為之斷流遂擒張都統宋將張世傑盛兵出焦

山來禦師施鐵繩聯戰船碇江中以示必死阿朮率諸軍進

戰萬戶劉琛由江南繞其後國傑與董文炳左右夾擊之焚

其戰船世傑軍大潰追奔圖山奪黃鵝船數百艘帝壯之詔

加懷遠大將軍賜號霸都國傑行第二因呼之曰劉二霸都

而不名霸都華言敢勇之士也先瑩碑曰有詔褒諭賜名曰

糧援既絕守將李庭芝棄城遁走追襲至泰州斬首千餘級

江淮悉平段松荅曰武宣實行第四云第二者史之失也案碑國傑兄三人伯仲並居遼東惟叔曾隸官籍當時蓋宋但知其兄有國華故呼以劉二霸都耳亦未必為史誤也

亡入朝加僉書西川行樞密院事選淮南兵使將之平蜀未

行會北邊有警加鎮國上將軍漢軍都元帥將衛兵定北方

先塋碑曰奉詔入朝賞銀千兩及錦衣弓矢鞍轡之屬仍賜

璽書金虎符僉書西川行樞密院事未赴有詔統侍衛軍鎮

撫北冬召還帝親解衣加玉帶賜之十五年復將左右中三

衛兵戍北邊詔有不用命者斬之先塋碑曰師還遷鎮國上

將軍漢軍都元帥賜以內

府錦衣玉帶弓矢鞍轡及寶鈔五千緡復領侍衛軍萬人

北至金山屯田和林安集歸花戶民所全活者餘數萬日十

六年諸王脫脫朮反寇和林國傑度其眾悉至營中必虛選

輕騎襲之獲其眾萬計脫脫朮屢戰不利又殘暴失眾心眾

殺之來降十八年加輔國上將軍十九年征東兵無功而還

帝怒將盡罷大小將校召國傑為征東行省左丞既至帝語

之故國傑曰罪在元帥耳倘蒙聖慈復諸將之職彼必人人

益都縣圖志 卷三十四 列傳 十一

思奮以雪前恥矣帝從之盡復其官以屬國傑征日本先塋

還加輔國上將軍以海夷未賓再會黃華反建甯乃命國傑

遷征東行中書省左丞駐兵廣陵

以征東兵會江淮參政伯顏等討之國傑破赤巖寨黃華自

殺餘眾皆潰福建行省左丞忽剌出將兵來會梧桐川欲搜

賊潰去者盡殺之國傑曰首亂者華也餘皆脅從招諭不歸

誅之未晚未幾眾果出降先塋碑曰會福建遁寇黃華作亂

之二十一年冬入覲京師會置沿江行樞密院事節制諸道

戍兵詔公僉書院事行中書省左丞如故先是公既受西川

行院之命聖上憫其勤勞聽子弟一人襲爵遂以先佩虎符

傳之猶子漢臣充管軍萬戶漢臣國華子也 案碑立于二

十二年故二十二年罷征東省除僉書沿江行樞密院改僉

敘事止此院二十三年朝廷以湖廣重地且多盜拜本省左丞國傑至

首平湖南盜李萬二明年廣東盜起寇肇慶其魁鄧太獠居

前寨劉太獠居後寨相依以爲固國傑趨擣後寨破之遂拔前寨擒斬二人捕民結盜者皆杖殺之加資德大夫二十五
年湖廣盜詹一仔誘衡永寶慶武岡人嘯聚四望山官軍久不能討國傑破之斬首盜餘衆悉降將校請曰此輩久亂急則降降而有釁復反矣不如盡阬之國傑曰多殺不可況殺降耶吾有以處之矣乃相要地爲三屯在衡曰清化在永曰烏符在武岡曰白倉遷其衆守之每屯五百人以備賊且墾廢田榛棘使賊不得爲巢穴降者有故田宅盡還之無者使雜耕屯中後皆爲良民有詔討江西諸盜國傑趨赴之十一月破蕭太獠於陳古水斬數百人進平懷集諸寨賊二十六
年春東入肇慶攻閩太獠於清遠還攻蕭太獠於懷集擒之益都縣圖志

國傑乘霧突入其巢賊眾驚亂自相蹂踐官軍搏之自旦至午所擒殺甚眾還兵桂東二月龍泉盜復寇鄱縣國傑遂還鄱賊退保大井山乃分軍三道趨之道險棄馬而入時天大雨賊不爲備盡掩殺之還鎮道州八月永州盜李末子千七寇全州敗官兵殺郡長官土魯國傑進討擒之梟首而還以前後功加湖廣右丞二十八年置湖廣等處行樞密院遷副使還軍武昌秋廣東盜再起國傑復出道州時知上思州黃勝許恃其險遠與交趾爲表裏寇邊二十九年詔國傑討之賊眾勁悍出入巖洞篁竹中如飛鳥發毒矢中人無愈者國傑身率士奮戰賊不能敵走象山山近交趾皆深林不可入乃度其出入列柵圍之徐伐山通道且戰且進二年拔其寨

勝許挺身走交趾擒其妻子殺之國傑三以書責交趾索勝許交趾竟匿不與夏師還盡取賊巢地爲屯田募度遠諸獠人耕之以爲兩江蔽障後蠻人謂屯爲省地莫敢犯者詔遣使卽軍中以玉帶賜之三十年入朝帝謂朝臣曰湖廣重地惟劉二霸都足以鎮此他人不能也命無遷他官俄議問罪交趾加湖廣安南行平章事以諸王亦吉列台爲監軍征之未行會帝崩乃止成宗卽位復置行樞密院於衡州仍除副使初黔中諸蠻酋旣內附復叛又巴洞何世雄犯澧州泊崖洞田萬頃楠木洞孟再師犯辰州朝廷嘗討降之升泊崖爲施溶州以萬頃知州事三十一年萬頃復叛攻之不能下至是帝卽位赦天下并赦萬頃等亦不降帝以命國傑九月國

傑馳至辰進攻明溪賊魯萬丑擁眾自上流而下千戶崔忠百戶馬孫兒戰死十月進兵桑木溪萬丑復以千人拒戰擊卻之明日萬丑倍眾來攻國傑鼓之百戶李旺率死士陷陣眾軍齊奮賊敗遂破其巢焚之進攻施溶部將田榮祖請曰施溶萬頃之腹心石農坎三羊峯其左右臂也宜先斷其臂而後腹心乃可攻國傑曰甚善麾諸軍攻石農坎賊不能支棄寨遁遂拔施溶擒萬頃斬之復窮捕其黨攀崖緣木而進凡千餘里元貞元年卽軍中加榮祿大夫湖廣行省平章政事辰澧地接溪洞宋嘗選民立屯免其繇役使禦之在澧者曰隘丁在辰者曰寨兵宋亡皆廢國傑復其制班師繼又經畫茶陵衡郴道桂陽凡廣東江西盜所出入之地南北三千里置戍三十有八分屯將士以守之由是東盡交廣西亘黔中地周湖廣四境皆有屯戍制度周密諸蠻不能復寇盜賊遂息六月入朝賜玉帶錦衣弓矢臺臣言國傑在軍中每以家貲賞將士帝命倍償之部曲有功者各遷官大德五年羅鬼女子蛇節反烏撒烏蒙東川芒部諸蠻從之皆叛陷貴州詔國傑將諸翼兵合四川雲南思播兵以討之賊兵勁利且多健馬官軍戰失利國傑令人持一盾布釘其上俟陣合卽棄盾僞遁賊果逐之馬奮不能止遇盾皆倒國傑鼓之賊大敗旣而復合眾請戰國傑不應數日度其氣衰一鼓破走之追戰數千里七年春擒斬蛇節宋隆濟阿女等西南夷悉平詔領其將士入見張宴享之賞賜甚厚進光祿大夫償其賞

士金一千九百兩鈔萬五千錠將士遷官有差命還益都上
冢八年還鎮國傑久行邊患瘴至是病篤平章卜鄰吉台率
僚屬問之國傑曰交賊不臣若病幸小愈得滅此虜則死無
憾矣問以家事不言二月卒年七十二國傑性雄猛視死如
歸嘗語人曰吾爲國宣力雖身棄草野不恨何必馬革裹屍
還葬哉且善推誠得士心故能立功如此計聞帝深悼惜贈
推忠效力定遠功臣光祿大夫司徒柱國封齊國公諡武宣
子脫歡案碑作愛先不花湖廣行省平章政事尙憲宗孫女元史本傳案
國傑自其父已爲益都人故入之人物志

益都縣圖志 卷三十四 列傳 五

仍守膠州七年宋兵攻膠州社固守戰退之十年領舟師五
百艘爲先鋒攻五河口城軍還殿後時宋兵以巨索橫截淮
水號混江龍社用大刀斷之卻其救兵清河城遂降攻高郵
寶應戰淮安城下尸填壕中丞相伯顏以其功上聞授武節
將軍攻泗州獲戰船五百艘還從右丞別乞里迷失入朝帝
賜以弓矢錦衣鞍勒加宣武將軍鎮新城絕淮安寶應糧道
降之得戰船六百艘及器械上於行樞密院遂命領寶應軍
民事十四年特賜金虎符懷遠大將軍二十年建寧路黃華
反以所領軍捕之有功二十四年以征交趾請行湖廣行省
檄令守輜重屯思明州軍還至建康卒元史本傳
王汝弼字彥輔先世由東莞徙益都父元英爲山東淮南行

省都事汝弼早失所恃事繼母以孝聞初充宣慰司奏差歷
選將作集賢等掾考滿除濟南錄事所司戶口流亡者舊皆
責見戶代輸其租汝弼曰厲民而道已責吾不爲也爲之請
而除之遷霑化縣尹善於其職未幾謝病歸延祐元年卒于
家年五十二汝弼博學多能工翰墨詩清新有唐人風凡法
書名畫經其品第絲髮不爽下至棋射曲藝無不精絕尤有
人倫鑒嘗見濟南張起巖文許爲間世才時起巖尙未第也
後果爲元一代文學名臣弟汝明字彥昭亦有文名工書畫
官本縣學教諭子士宏官沂水縣學教諭

以墓表修

王英字邦傑益都人性剛果有大節膂力絕人善騎射襲父
職爲莒州翼千戶父子皆善用雙刀人號之曰刀王至元二

益都縣圖志

卷三十四

列傳

十六

十九年江西行樞密院命帥師南雄討賊邱大老賊六百餘
人突至英與戰殺其渠帥劉把東獲九十餘人元貞元年從
左丞董士選討大山賊劉貴擒之二年討永新安福二州賊
餘黨皆息延祐二年益都賊起行省命英率各萬戶軍討之
賊勢甚張英屢戰皆勝斬獲不可勝數積屍盈野水爲不流
行省平章李世安遣英迓江浙平章張閻所領軍於閩境至
木麻坑擒賊蔡五九又追賊至上虎嶂遇賊三千餘人盡殲
之至治元年以大臣薦授忠武校尉益都淄萊萬戶府副千
戶天厯元年授宣武將軍至順二年行省命英招捕桂陽州
賊張思進等二千人英至布以威信皆相率請降元統元年
授懷遠大將軍同知海北海南道宣慰使司事至元三年萬

安軍賊吳汝期等作亂聚眾三千人英至賊皆就擒未幾李
志甫起漳州劉虎仔起潮州詔命江西行省右丞燕帖木兒
討之方賊起時英已致仕平章政事伯撒里謂僚佐曰是雖
鼠竊狗偷非刀王行不可其人雖投老必可以義激乃使迎
致之英曰國家有事吾雖老其可坐視乎據鞍橫槊精神飛
動馳赴焉及賊平英功居多至正中毛貴陷益都英時年九
十有六乃謂其子宏曰我世受國恩美官厚祿備嘗享之今
老矣縱不能事戎馬以報天子尚忍食異姓之粟以求生乎
水漿不入口者數日遂卒毛貴聞之使具棺衾以葬將斂舉
其尸不動焚香祝曰公子宏請公歸葬先塋祝畢尸遂起觀
者莫不驚異山東宣慰使普顏不花及憲司請卹典於朝有
益都縣圖志

卷三十四 列傳 七

曰不食寇粟餓死芹泉有夷齊之風爲臣之清者也芹泉谷
名英所居也元史本傳

傅公讓字子敬舊志選舉又作字子經元統初進士累官亞中大夫內

臺御史至正十年宦者樸不花橐驪內侍太子外結搆思監

驕恣不法公讓劾之忤太子意左遷松江府知府舊志元史陳祖仁

傳曰時宦者資正使樸不花與宣政使橐驪內侍皇太子外
結丞相搆思監驕恣不法監察御史傅公讓上章暴其過忤

皇太子意左遷吐蕃宣慰司經歷